

EBERUNO

Kirisi de malaikanola 1:1-2:18

Kirisi de Musala 3:1-4:13

Kirisi de Aruna bori sa'orinola 4:14-7:28

Kirisi sa'orikere deñla 8:1-10:39

Wà Luda náane ke 11:1-12:25

Lédamma 13:1-13:25

Luda Né de malaikanola

¹ Luda yā ò wa dezinone yā káaku annabino gāzĩ gèn baaagõ zénon pari,

² mode à yā òwe a Né gāzĩ guro zāa kènon sa. Né pì gāzĩn Luda anduna kè, à diè kè àmbe eégõ pò sānda píngi vī.

³ Àmbe Luda gakui tékena ũ, à de à kuuna sānsān ũ. Àmbe à pò sānda píngi kūna kōn a yā'ona gbāaa. Gbēno durunkēnnena gbera à vèe musu Luda bíta oplaazi.

⁴ Lán tó kè à blè pì de malaikanò pòla nà, len à bíta deñla le.

⁵ Luda yā kèkii ò malaika kene yās?

Ma Né n ũ, gbàan ma n i,

Kesõ:

Mégõ deDe ũ,

eégõ de ma Né ũ.

⁶ Kè Ludaa tò a daudu mò anduna guu à bè:

A malaikanò donzi kene ñ píngi.

⁷ Malaikanò yā musu à bè:

Eè a zĩrinò li ãa ũ,

a zĩkerinò sōo tévura ũ.

⁸ À Né yā musu sō à bè:

Luda, négõ v̄εna kíblekitaai ai gurɔ p̄ingime,
neègõ n kíkεgo k̄una yāzεdee ũ.

⁹ N̄ ye maakenazi, n za zaakenan.
Beee yānzi Luda, n Luda, n ka kpatan,
à p̄onnaa p̄isimma de n gb̄enola.

¹⁰ Wà bè dɔ:
Dii, n anduna kāsāa p̄ε zaa káaku,
musu né n ɔz̄ime.

¹¹ Ās̄ p̄ingi é ḡεte, m̄ode négõ kuu.

Āsé zi k̄ú lán p̄ókāsāa bà,

¹² né n̄ koko lán uta bà,

né n̄ lie lán p̄ókāsāa bà.

Mpi s̄õ, n kuuna ègõ d̄õnkõ,
n gurɔ yāana v̄iro.

¹³ À yā k̄ékii ò malaika kenε yāó?

N̄ v̄ε ma ɔplaazi
ai màgõ n ìb̄eenɔ kenne n tinti ũ.

¹⁴ Malaikanɔ né nini z̄ikerinɔme n̄ p̄ingi. Luda è n̄ z̄i
le ās̄ dɔ gb̄ε k̄è āsé m̄isina enlemε.

2

M̄isina b̄íta

¹ Beee yānzi wà yāpuraa k̄è wá mà k̄ú ɔplaplaa
ḡinḡinzi, le wàton k̄é z̄éaro yānzi.

² Zaake yā k̄è Ludaa diε malaikanɔ ḡāz̄i né
tiasime, ben wà f̄ia b̄ò gb̄ε k̄è ās̄ ḡi mazi ās̄ m̄ikp̄εε
z̄unenɔne a z̄éa,

³ tó w̄éε m̄isina b̄íta p̄i yā da s̄õro, wé b̄óó? M̄isina
yā p̄i b̄ò Dii k̄iame, ben gb̄ε k̄è ās̄ò màno yāpuraa
kp̄aa.

⁴ Luda èara à yāpuraa kp̄a yā p̄ia k̄õn s̄èedano k̄õn
yāb̄onsaeno k̄õn dabuyā pari kenano k̄õn a Ninii
gbaa k̄è à kp̄aateteñeno a p̄oyezia.

Yesu gōna gbēntee ũ lán wa bà

⁵ Èe ke malaikanon Luda anduna ziaa kè wée à yā oo nāine n̄ ɔziro.

⁶ À kú Luda yān gukea wà bè:
Bón gbēntee ũ kè à yā ègō donguu?

Bón à ũ kè neè làakari dɔa?

⁷ N à kè kēsāna malaikanɔzi féte,
n à kpà kín kōn gakuio kōn bèeo,

⁸ n̄ tò pò sānda píngi mì siene.

Kè Ludaa tò pò sānda píngi mì siene, èe à ke tó misionane sairo. Tia la, wée e kè pò sānda píngi mì siene gĩaro,

⁹ mɔde wá è kè Yesun wà téa. Luda à kēsā malaikanɔzi ai gurɔ plaa, le Luda gbēke guu à ga gbē píngi gēe ũ, ben à à kpà kpatan kōn gakuio kōn bèeo ga nawēa kè à kè yānzi.

¹⁰ Lán pò sānda píngi bò Luda kiia nà, bensò pò sānda píngi de à pò ũ, kè à yezi à gē kōn gbēno pari a gakui guu a nēno ũ, à kō sio à gbē kè mīsina zé bòine ke papana nawēakena guu.

¹¹ Gbē kè aō gō Luda gbēno ũ kōn gbē kè è n̄ ke Luda gbēno ũuo, n̄ píngi de dōnkōme. Beee yānzi n̄ sisina a gbēno ũu è à wí kuro.

¹² À bè:
Mé n tó bɔ ma gbēno té,
mé n sáabu kpá kakōana guu.

¹³ À bè dɔ:
Mé à náane ke.

À bè dɔ:
Máe kè kōn né kè Ludaa kpàmaano.

¹⁴ Zaake né pino né gbēnteenome, àpi se gō gbēntee ũ lán n̄ bà, le à ga à Ibilisi kè è mó gaao kaate,

15 à gbě kè aṣṣe vĩa keε gaane wèe zò blee ai ní wèndi lénno bo.

16 Yápuraa guu malaikanṅ èe ɔ daam̄maro, Ibraĩ boriinṅme.

17 À kṣ sio à gṣ lán a dāaronṅ bà yā sānda píngi guu, ɛ à gṣ Sa'oriki sùude náanedeē ũ Luda zĩ guu, gběṅṅ durun agbaakpabṅ ũ dṅ.

18 Zaake à nawēa kè à yṣagwana fṣ, eé fṣ à gbě kè wèe ní ɛε wà ní gwaanṅ faaba ke.

3

Yesu de Musala

1 Beee yānzi ma gběṅṅ, amṅa kè Luda a sisi a mṅ a kiianṅ, à laasuu lé Yesu kè Luda à zĩ Sa'oriki kè wa zeo ũua.

2 Náanedeeme Luda kè à à diene lán Musa de nà Luda ua guu.

3 Lán uakaeri bēe ègṣ de uala nà, len Yesu gakui bíta de Musa póla ɛ.

4 Ua sānda píngi a kaeri vĩ, bensṅ pó sānda píngi Kaerin Luda ũ.

5 Luda ua zĩkeri náanedeēn Musa ũ, yā kè Luda é oo sèedadeeme.

6 Kirisi sṣ bēdee pì néme. Luda a ua nàne à ɔzĩ. Wámbe ua pì ũ, tó wá kpé wée tāmāa kè wá vĩ lé gběe kṅn swēo kpáena.

Luda gběṅṅ kámmabokii

7 Beee yānzi lán Luda Ninii ò nà:

Tó a Luda kòto mà gbàa,

8 àton swāgbāaa ke lán a dezinṅ kè nàro,

kè aṣ ma ɛ wà ma gwa gurṅṅ kè aṣ bṅ ma kpεε gbáan.

9 Baa kè aṣ ma yākenanṅ è wèe baplaa,

aõ ma ɛ wà ma gwa gwe, aõ ma gbãa lé gwà.

¹⁰ Ben ma pɔ fè gbẽ pínzi,
ma bè gbẽ sāsānanɔn n̄ ũ,
aõe ma zéno dõro.

¹¹ Ben ma la dà ma pɔfè guu ma bè,
aõé gẽ ma kámabokiinlo fá.

¹² Ma gbẽno, à làakari ke a gbẽke tóngõ swè zaa
ludanaanekesai ví ai à gá kɛo Luda Wèndidearo.

¹³ Guu kè è dɔ kè eè be Gbãame píngi, àgõ lé
daakõa, ɛ durun tón a gbẽke sāsã à swãgbãa kũro
yãnzì.

¹⁴ Kirisi gbẽnɔn wa ũ, tó wá náane kè wá ví zaa
káaku kũna gbãngbãn ai à léa.

¹⁵ Lán wà ò nà:
Tó a à kòto mà gbãa,
àton swãgbãaa ke lán a dezinɔ kè nà
gurɔɔ kè aõ bò ma kpɛero.

¹⁶ Dénɔn gbẽ kè aõ Luda kòto mà aõ bò à kpɛeno ũ,
tó èe ke gbẽ kè Musa n̄ bóe Igipitinɔ baasiroo?

¹⁷ Dénɔn Luda pɔ fènzì ai wè baplaa, tó èe ke gbẽ
kè aõ durun kè, aõ gè gò kaena gbãa guuno baasiroo?

¹⁸ Dénɔn à la dàné kè aõé gẽ a kámabokiinlo, tó
èe ke gbẽ kè aõ gí à yã mazinɔ baasiroo?

¹⁹ Wá è kè aõe e wà gèno aõ ludanaanekesai
yãnzì.

4

¹ Zaake gẽna kámabokiin kè Luda à lé gbè kpé
kuu, wà làakari ke, ɛ wa gbẽke tón koraziro.

² Zaake wa baaru nnaa mà lán n̄ bàme, mɔde
yã kè aõ mà pì àre víńnero, kè aõe ma kòn lu-
danaanekenaoro yãnzì.

³ Wamɔwa kè wa yā pì sìno, weè gē kámmabokii pìn. Aɔpinɔ sɔ Luda bè:

Ma la dà kɔn pɔfɛo ma bè,
aɔé gē ma kámmabokiinlo.

À yā beee ò, baa kè à a zī mì dè zaa andunakaεgurɔ,
⁴ zaake wà gurɔ swεεplaade yā ò Luda yān gukea
wà bè, gurɔ swεεplaadee zī Luda kámma bò kɔn zī
kè à kènɔ píngi.

⁵ Wá mà tia à bè, aɔé gē a kámmabokiinlo.

⁶ Zaake gbē kè aɔ baaru nnaa pì mà zaa káakunɔ
e gēnlo, kè aɔe síro yānzi, ben à gēna gò gbē
pāndenɔε.

⁷ Ben Luda èara à gurɔ ke dìε dɔ wè be Gbāa, beee
gbera à gì kè ben à Dauda gbà lé, à ò lán wà ò nà tia:
Tó a à kòto mà gbāa,
àton swāgbāaa kero.

⁸ Tó Yɔsua gēnyo kámmabokii pìn yā, le Ludaa e
gurɔ pānde yā o zāaro.

⁹ Àmbe à tò kámmabokii gò Luda gbēnɔ pò ũ.

¹⁰ Zaake gbē kè gè Luda kámmabokiin kámma bò
kɔn a zīiome, lán Luda kámma bò kɔn a zīio nà.

¹¹ Tó lemε, wà wée tā wà gē kámmabokii pìn, le wa
gbēke tón gí Luda yā mazi, à fu lán n̄ bàro yānzi.

¹² Luda yā bēε bensɔ à gbāa, à lé nna de fēεda
kpa plaplāaala. È n̄ zɔ à gē n̄sε guu ai niniin, è gē
mèpεpekɔrɛkiin ai wá ufun, è laasuu kɔn n̄sε yāo
gwāgwa.

¹³ Luda pókεna kee utenanero, à ke kpáne gu-
uziro. Luda kè wé wa yānɔ sée wà sinne è pò sánda
píngi e ai a biia.

Yesu de sa'orikinla

14 Zaake wá sa'oriki isi kè ludambεε wèkõa ai Luda kiia vī Luda Né Yesu ũ, wàgõ zé kè wá sè yā kūna gíngin.

15 Zaake wá sa'oriki vī kè eé f̄ à wa wēnda dō wa gbāasaikεε guu. Wà à yō wà gwà lán wa bà yā píngi guu, èe durun kero.

16 Beee yānzi wà sō Luda Gbēkεkεnneri kiblekitazi kōn swēo kpaena, le à wa wée gwa à gbēkεε kewe à gurõa.

5

1 Wè sa'oriki píngi sé gbēno téme, wè à diε n̄ wéedeε ũ Luda kiia, àgõ gba kpáa, àgõ à gbāgbāañe n̄ durunno yānzi.

2 Eé f̄ à ke kōn gbē kè aō sāsā aō dōnasaikεε guunõ busebuse, zaake àpi kú kōn gbāasaikεεome se.

3 Beee yānzi séde à saa o a zīnda durun yā musu, lán è o gbē kpaanõ pó musu nà se dõ.

4 Gbēke è a zīnda ká kpata pìnlo. Luda bé è à kán, lán à Aruna kàn nà.

5 Len se Kirisi e a zīnda ká sa'oriki kpatanlo, Luda bé à à kàn à bè:

Ma Nén n ũ,

gbāan ma n i.

6 À bè Luda yān gukea dõ:

Négõ de sa'ori ũ ai gurõ píngi Melekizedeeki zékpaεa.

7 Gurõ kè Yesu kú anduna guu à adua kè kōn wii gbāaao kōn wéε'io, à kúε kè Luda kè eé f̄ à a sí gaaanε, ben Luda à yā mà, kè è à yā da yānzi.

8 Baa kōn à Ludanεkεεo, à mìsiena Ludanε dàda a nawēakεna guu.

9-10 Kè maaa pèkõrea à yàa, Luda à kà sa'oriki ũ Mèlekizεδeki zékpaεa, ben à gò mìsina kè è yāaroo bókii ũ gbē kè aṣè à yā maanᵋne n̄ píngi.

Làakarikena funazi

11 Yā beee musu wá yā vī pari wà oare, mᵋde à bókõtena zī'ũme, zaake eè yā dõro dõ kpaaro.

12 Amᵋa kè a gì ken lán kè bà, à maa àgõ de yādannerino ũme, mᵋde ai tia á kpé de wà εara wà Luda yā kè wè dada gbē dufunᵋne dadaare dᵋ. Yõ'i bé à kᵋ siao, ée ká à ú blero.

13 Zaake yõmiri píngi né néme, èe ká à ɔzeε dõkõzi kᵋn ɔplaaoro.

14 Ũ sᵋ né gbē kàsara kè aṣ kᵋ dᵋonᵋ pómε. Aṣ à maa kᵋn à zaaao dõkõzina dàda.

6

1 Beee yānzi wà Kirisi yādannena káakupᵋnᵋ kpá kpeε, wà gá aε ai wà gᵋ gbē papanano ũ. Èe ke wé εara wàgᵋ yātákpaεna kènᵋ gbè sísi dᵋnlo: Kpeεlina yā gènᵋne, ludanaanekena,

2 batisi yādadana, ɔnammana, gènᵋ fεena ke zia yákpækεna.

3 Tó Ludaa wè, wé yā beenoᵋ kpá kpado wà gá aε.

4 Zaake tó gbē wéε kè, à ludangbaa è, à baka kú Luda Nini guume,

5 tó à Luda yā kᵋn anduna kè èe mᵋᵋ gbāaaο dà à gwà, à à nnaa dᵋ

6 gbasa à fù, zé kuu kè à εara à nᵋse lie dᵋro, zaake èe Luda Né paa lía dᵋme, èe wí daaa gupuraaame.

7 Tó lou e maa tᵋtεa gèn baaagᵋ èe mᵋdᵋ ee, ben à pᵋ kè àre vī búbarinᵋne bᵋε, Luda è aubarika dan.

⁸ Tó à lè kǝn lèkarao b̀̀e s̄, à giname, à zà kǝn lèkɛnaoro. Eé mì de kǝn téome.

⁹ Apinɔ s̄ ma gb̄e yenzideenɔ, baa kè wá ò le, wa làakari kpaena a yã musu kè á kú kǝn yã maaa kè b̀̀ m̀̀sina z̄́ guunɔ.

¹⁰ Luda è yã ke a zéa, a yãkenanɔ kǝn yenzi kè á v̄oo é s̄nlo, zaake a dɔnle kè à gb̄enɔne, bens̄ á kpé ée kee.

¹¹ Wá yezi a baade ḡo aĩa v̄i le ai à léa, le àton seka ke p̄o kè a wéé d̄zi yã musuro.

¹² Àton meá kero. À gb̄e kè āɔe Luda náane kee kǝn menao āɔe p̄o kè Luda à lé gb̄è eenɔ zékpae sé.

Lé kè Ludaa gb̄è seka v̄ro

¹³ Gurɔ kè Ludaa e lé gb̄e Ibraĩne, kè gb̄ekee kuu deàla à síoro, beee yãnzin à s̄i kǝn a kuunaozi

¹⁴ à bène, é aubarika dan yãpura à tó à borii kaaranɛ.

¹⁵ Ibraĩ mena f̄, ben à p̄o kè Luda à lé gb̄ène è.

¹⁶ Wè yã sí kǝn gb̄e kè deĩla tóome. Ladana bé è tó wà yã yãpuraa d̄, bens̄ è leokpak̄o k̄k̄oainɛ.

¹⁷ Ludaa yezi à ɔɔa gb̄e kè à légb̄ena é ḡo ní p̄o ũunɔne wásawasa kè à lé liena v̄ro, ben à s̄i kǝn a kuunao.

¹⁸ Lemɛ yã mèn plaaa kuu kè liena v̄ro, Luda é f̄ à ege to à musuro. Yã pinɔ e wamɔwa kè wa nazinɔ gbaa swè maamaa, le wà tãmaa kè wa wéé d̄zi da seka sai.

¹⁹ Wá tãmaa beee v̄i wa wèndibadɔɔ ũ. À náane v̄i, bens̄ à gb̄aa, è ḡewao lábure kp̄e ai Luda kúkiia,

²⁰ guu kè Yesu ḡiake à ḡènwe à ḡo sa'oriki ũ ai gurɔ píngi Melekizedeke zékpaea.

7

Sa'oriki Mēlekizēdeki

¹ Mēlekizēdekin Salēmu kína ũ yā, Luda Musude sa'orime. Gurɔɔ kè Ibraĩ zì blè kínanɔa èe suu, ben Mēlekizēdeki gāa à dààlɛ, à sa maaa ònɛ,

² ben Ibraĩ auziki kè èe suuo pínghi kuridee kpàa. Mēlekizēdeki tó kè bè yāzede kí. Beee gbɛra Salēmu kína beee bè, aafia kí.

³ À de kōn dao kōn dezinɔ vīro, à wèndi naana ke mīdena vīro. À bò lán Luda Né bàme, sa'orin à ũ ai gurɔ pínghi.

⁴ À gwa lán à bíta de nà. Wa dezi tontori Ibraĩ auziki kè à sèè zìlan kuridee kpàa.

⁵ Musa doka dīe Levi borii kè aɔɔ de sa'ori ũunɔnɛ, aɔ pó kuridee sí n̄ Isaraili daanɔa, baa kōn n̄ Ibraĩ borikɛɛo.

⁶ Mēlekizēdeki né Levi boriinlo. Baa kōn beeeo à Ibraĩ pónɔ kuridee s̄i, à sa maaa ò Ibraĩ kè Luda lé gbènenɛ.

⁷ Seka sai gbē kè sa maaa ò gbēnɛ bíta de gbē kè à sa maaa ònɛla.

⁸ Sa'ori kè aɔè pó kuridee sí pìnɔ né gbē kè aɔè gaanɔmɛ. Mēlekizēdeki s̄ɔ, gbē kè wà bè èḡɔ kuu ai gurɔ pínghin à ũ.

⁹⁻¹⁰ Gurɔɔ kè Mēlekizēdeki gāa à dà Ibraĩlɛ, wè Levi i k̄ro, à kú a dezi de Ibraĩ plèmmɛ. Beee yānzi weé f̄ɔ wà be sé, gurɔɔ kè Ibraĩ pó kuridee p̄i kpà, Levi borii kè wè pó kuridee kpámmanɔ bé wà kpà.

Yesu de lán Mēlekizēdeki bà

¹¹ Levi bori sa'ori pìnɔn doka kè Musa kpà Isarailinɔa kāsāa ũ. Tó aɔè f̄ɔ wà tó gbēnɔ ḡɔ papana,

weégõ sa'ori pãnde nii vĩ lán Melekizεδeki bà d̄oro, sé Aruna bori sa'ori zékpaε.

12 Tó sa'orin̄o liε, séde doka liε.

13 Gb̄ε k̄ε wà yã beeen̄o ò à musu né Isaraili borii k̄ε à gb̄εkee e sa'ona z̄ii ke zikiroomε.

14 Zaake wá d̄s sãnsãn k̄ε wa Dii b̄ò Yuda borii guumε. W̄εe ma k̄ε Musa sa'ona yã ò borii p̄i musuro.

15 Yã k̄ε yã p̄i w̄εε b̄òn ȳε: Sa'ori pãnde b̄ò lán Melekizεδeki bà.

16 À ḡõna sa'ori ũu né doka ke borike yãnlo. À w̄ëndi k̄ε è yãaro gb̄aaa yãnzimε.

17 Zaake wà bè:

Négõ dε sa'ori ũ ai gur̄o p̄ingi Melekizεδeki zékpaεn.

18 Wà doka k̄ε kuu yãa p̄i kpà kpado, k̄ε à gb̄aaro, bens̄o à kuu p̄óke ũro.

19 Zaake doka p̄i e tó gb̄εke ḡò papanaro. Ben tãmaa k̄ε s̄ã zé b̄òwe, k̄ε wa s̄õ Ludazi.

20 Beee gb̄era Luda e beee ke ladana sairo. Gb̄ε kpaan̄o ḡò sa'orin̄o ũ ladana saimε,

21 m̄ode Yesu ḡò sa'ori ũ k̄õn ladanao, k̄ε Luda bène:

Dii la dà eé lé s̄okparo,

à bè eégõ dε sa'ori ũ ai gur̄o p̄ingi.

22 Ladana p̄i yãnz̄i Yesun kp̄égaadee ũ k̄ε t̄ò Luda bà kuunañyo dufu dε a ziila.

23 Beee gb̄era sa'orin̄o pari yã, zaake gaa è tó āḡõ kú n̄ z̄ii guu gur̄o p̄ingiro.

24 M̄ode k̄ε Yesu kuu ai gur̄o p̄ingi yãnz̄i, à sa'orikεε ḡεblena v̄iro.

25 Beee yãnz̄i eé f̄s̄ à gb̄ε k̄ε ās̄è s̄õ Ludazi à ḡãz̄ĩno mì sí mámmam, zaake à kuu ai gur̄o p̄ingimε, èḡõ kúε k̄εéñε Ludanε.

26 Sa'oriki beee taka bé à kō s̄iwao. À kuuna adona. À yā zaaa ke gbāsī v̄iro. Luda à k̄k̄ōa k̄ōn durunk̄er̄ino, à à s̄è à t̄ao musu ai a kiia.

27 À bà kú k̄ōn sa'ona lán guu e d̄o n̄ao lán sa'oriki kpaaan̄o bàro. Gb̄ē p̄ino è saa o n̄ z̄inda durun̄no yānzi k̄ōn n̄ gb̄ēno p̄ono d̄o. Àpi s̄ō ò ḡēn dome, k̄è à a z̄inda kp̄a.

28 Musa doka è gb̄ēno ká sa'orikin̄o ū āō gb̄āasaik̄ε guum̄ε, m̄ode k̄è Ludaa la dà doka p̄i diena gbera, ben à a Né k̄è ḡō papana ai guro p̄ingi k̄an.

8

Yesun wa Sa'oriki ū

1 Yā k̄è w̄ée oo m̄in ȳè: Wá sa'oriki beee taka v̄i v̄ēna k̄iblekitāa musu Luda B̄itadee oplaazi.

2 È z̄i k̄e Ludakukiia, bisakuta yāpurāa k̄è Dii d̄on, èe k̄e p̄o k̄è gb̄ēnteen̄o d̄onlo.

3 Zaake gbadana k̄ōn sa'onao yānz̄in w̄è sa'oriki p̄ingi k̄azi, à maa àpi ḡō p̄o v̄i à kp̄a se.

4 Tó à kú anduna guu, eéḡō d̄e sa'ori ūro, zaake sa'ori k̄è āè gbaan̄o kp̄a lán doka d̄ie n̄an̄o kuu k̄ò.

5 Z̄i k̄è āōe k̄ε né p̄o k̄è kú musu takam̄ε, à nin̄iim̄ε. Beee yānzi k̄è Musa yezi à bisakutāa d̄o, Luda bène à làakari k̄e à p̄o k̄è a à taka òd̄an̄ε kp̄iii musu k̄e lán à d̄e n̄a p̄ingi.

6 Yesu bé Luda bà kuunawao yākek̄eri ū. Zaake Luda bà kuunawao p̄i d̄e à bà kuunaño ziila, z̄i k̄è w̄à d̄an̄e d̄e sa'oriki p̄ino p̄ola. Luda bà kuunawao p̄i légb̄ēna d̄e à ziila d̄o.

7 Tó Luda bà kuunaño zii p̄i papanam̄ε yā, le à plaadee z̄é v̄iro.

8 Kè Dii Isarailino taari è à bè:
 À gurɔɔ e mɔɔ kè mé ma bà kuuna
 kɔn Isarailino kɔn Yudanɔ dufu kɛ.
 9 Éégɔ de lán ma bà kuuna kɔn n̄ dezinɔ
 gurɔɔ kè ma n̄ kũ n̄ ɔɔa
 ma n̄ b̄ɛ Igipiti bàro.
 Zaake aɔɔe ze kɔn ma bà kuunańyooro,
 ben ma n̄ tón.
 10 Ma bà kuuna kɔn Isarailino gurɔ beeenɔ gbera
 yān yè:
 Mé ma dokayānɔ dańne n̄ n̄ɔse guu,
 mé k̄ɛ n̄ swèa.
 Mégɔ de n̄ Luda ũ,
 aɔégɔ de ma gb̄ɛnɔ ũ.
 11 Aɔ gb̄ɛke é yā dada a daanero,
 aɔ gb̄ɛke é ma d̄na da a gb̄ɛnero,
 zaake aɔ píngi égɔ ma d̄me,
 né féte gb̄ɛnsi n̄ píngi.
 12 Mé s̄uu keńyo kɔn n̄ taarinɔ,
 mé n̄ durunnɔ yā da d̄ro.
 13 Kè Luda bà kuunańyo dufu p̄i yā ò, à à káakupɔ zi
 bò. P̄ɔ kè zi k̄ũ à b̄usa, à kpana guuzi z̄aro.

9

Luda bà kuunańyo zi sa'ona

1 Luda bà kuunańyo káaku d̄nzi zékpaenɔ v̄i kɔn
 Ludakukii kè kú t̄ɔt̄ɛɔ.
 2 Fitia kɔn teebu kè wè buredi káea Ludanɔ kú
 gānu kè wè be guu kè kú adonan.
 3 Kp̄éne kè wè be Ludakukii p̄i kú lábure plaadee
 kp̄eɛ.
 4 À guun tuaetiti kpatakii kè wà p̄i kɔn vurao
 kún kɔn Luda bà kuunańyo àkpati kè vura kúea

mámmam-o. Vura loo kè mana kú à guu kú àkpati pì guu kōn Aruna gò kè lá b̀̀ro k̀̀o kōn Luda yádiena gbè walaano.

⁵ Àkpati pì musu kerubu gakuideeno kú durunkēnnekiila. Pó pìno bokōtena doodo gurōon yèro.

⁶ Lán aō kaena le, sa'orino ègō gēε gānun gèn baaagō aō ní sa'ona zīi ke.

⁷ Sa'oriki bé è gē kpétu gèn do wè doo guu, bensō è gē aru sairo. È aru pì fáfá a zīnda durun yānzi kōn a gbēno pó kè aō kè dōnasaikεε guuo.

⁸ Luda Ninii e odoawe, gurō kè kpé káaku pì kuu, Ludakuki zé wēnaro.

⁹ Bee e yā lεekōziwe kōn tia yāo à bè, pó kè dōnziri è Luda gbaano kōn sa'opo kè è kpáano è fō à à kù ke gbāa mámmamlo.

¹⁰ Yā diena pìno né mèbaayāme. Póble kōn íminao kōn gbāsībōna bori sānda píngio yāme. Wà diè ai zé dufu gurō gō káme.

Luda bà kuunaŋyo dufu sa'ona

¹¹ Ben Kirisi mò yā maa kè kà tiaa sa'oriki ũ. À gè bisakutaa kè bíta bensō à papana de à káakupōlaa guu, kè gbēntee bé à d̀̀ro, anduna k̀̀ki p̀̀n s̀̀ro.

¹² Èe gē Ludakukiin kōn blè ke zù aruoro, à gè kōn a zīnda aruo gèn dome, à gbēno b̀̀o ai gurō píngi.

¹³ Zaaε wè blè aru kōn zùsware aruo kōn zùnunu kè wà kpàta túbuo fáfá gbē kè aō gbāsīnoa wà gbāsī b̀̀oŋgu,

¹⁴ weé Kirisi pó o d̀̀ó? À a zīnda kpà Ludaa see sai kōn Ninii kè ègō kuu ai gurō píngi gbāao. À aru

è wa swè pípiwe bɔna kekɛkɛna gè pìno guu, le wà zīi kɛ Luda Wèndidenɛ.

¹⁵ Beee yānzi Kirisi bé Luda bà kuunańyo dufu yākɛkeri ũ, le gbē kè Luda n̄ sísino auzenna kè à à lé gbè e yānzi. À gà le à n̄ bo, à taari kè aõo kè Luda bà kuunańyo zi yā musuno kēńne.

¹⁶ Tó wà yezi wà zīi kɛ gbē légbɛdiɛnaa, sé wàgõ dõ sãnsãn kè adee gà,

¹⁷ zaake gaa gberan légbɛ ègõ gbāaa vī. Tó légbɛdiɛri kpé bēɛ, légbɛ ègõ gbāaro.

¹⁸ Beee yānzin wèe Luda bà kuunańyo káakupɔ pì kya kɛ aru sairo.

¹⁹ Kè Musa doka yādiɛnanɔ ò baade píngi wáa, à sākā tēa zónzon kōn sēsōvlāao sè à zō zùswarene bōro kōn blèkofii aru kè wà yākōte kōn íoa, à fāfā Musa dokaa kōn gbēnoo dɔ n̄ píngi

²⁰ à bè, Luda bà kuunańyo arun gwe, kè à diɛare à kūna.

²¹ Len Musa aru fāfā bisakutaaa kōn sa'ona zīkɛbɔnoo dɔ píngi.

²² Doka guu aru bé è gbāsī bɔ pó paride píngin. Arukwɛɛna sai durunno kēnnɛna kuuro.

Kirisi a zīnda kpà sa'opɔ ũ durun m̀ɛna yānzi

²³ Zaake à kō sio wà gbāsī bɔ pó kè kú ludambɛɛ taka pìnon lán beee bà, sa'opɔ kè de beelaa kō s̄i kōn ludambɛ pó pìno.

²⁴ Zaake Kirisi e gē Ludakukii taka kè gbēntee dònlo, à gè à yāpuradeen ludambɛmɛ, guu kè à kún tia wa Zenyodee ũ Luda aezī.

²⁵ Sa'oriki è gē Ludakukiin kōn pókāde aruo wè kōn wèo, m̀de Kirisi e gē le à a zīnda kpá gèn baaagõ yānziro.

²⁶ Tó èe ke lero, le èe nawëa kee gën baaagõ zaa andunakaεguro. Yāpuraa guu à mò gën dome guro kè anduna kà a kákíia sa, à a zīnda kpà sa'opo ũ, le à durun mì de.

²⁷ Ludaa diε gbēnteeε à ga gën do, gbasa à yākpae keo,

²⁸ len Kirisi a zīnda kpà gën do le, à gbē pariino durun di a mìa. Eé eara à mó à gën plaadeeo, èe ke durun yānzin doro, le à gbē kè aō wée dōzinò mì sí yānzime.

10

¹ Musa doka né yā maaa kè èe mo takame, èe ke yā pinlo. Beee yānzi sa dōnkõ pì ona gën baaagõ wè kōn wèo è fõ à gbē kè aōe sō Ludazinò ke papana zikiro.

² Tó saa pì ona gbāsī bō dōnzirinōn gën do ai guro pīngime yā, le aō kù kè gbāa, wà à ona tò.

³ Yāpuraa guu sa'ona pì bé è gbēno durun yā dōngu wè kōn wèo.

⁴ Zaake zùsware kōn blèkofīo aru è fõ à durun kēm̄ma zikiro.

⁵ Beee yānzi kè Kirisi e mo anduna guu, à bè Ludanε:

N̄ ye sa'opo ke gbaaziro,
ben n gbēntee mè kème.

⁶ Sa'po kè wè ká tén à té kū
kōn sa'opo kè wè o durun yā musuo
è kénnero.

⁷ Ben ma bè: Maè kè!

Lán wà kè takadan ma yā musu nà,
ma mo n poyezi keme, Luda.

⁸ Káaku gĩa à bè, sa'ona kōn gbāao kōn saa kè wè ká tén à té kũo kōn saa kè wè ò durun yā musuo è ká Ludanero, à yeziro, baa kè doka bé à diε.

⁹ Ben à bè, áε kè, a mo à poyezi kemε. À à káakupo kpà kpadozi à plaade diεna yānzi.

¹⁰ Luda poyezi pì kena guu Yesu Kiriisi a zīnda kpà sa'opo ũ gèn do, à tò wá kú adona Luda gbēno ũ.

¹¹ Gurō píngi sa'orino ègō kú n zīi guumε, aōgō sa dōnkō kè è fō à durun kēñne zikiroo oo gèn baaagō.

¹² Kiriisi sō saa ò durun yānzi gèn dome ai gurō píngi, ben à gāa à vεε Luda oplaazi.

¹³ Zaa gurō beean à kú gwe, èe dāa Luda a ibεeno keare a tinti ũ.

¹⁴ Zaaε sa'ona gèn doo pì guu, à tò gbē kè à gbāsī bōñguno gō papana ai gurō píngi.

¹⁵ Luda Nini èara èe yā pì oowe do à bè:

¹⁶ Ma bà kuunaño gurō beeno gbera yān yè:
Mé ma dokayāno dañne n nòse guu,

mé kē n swèa.

¹⁷ Gbasa à bè:

Mé n durun kōn n taarino yā da doro.

¹⁸ Lán à n durun kēñne nà, sa'ona n yānzi zé vī doro.

Wà sō Ludazi

¹⁹ Beee yānzi ma gbēno, kōn Yesu aru gbāāao wá gēna Ludakukiin zé vī kōn swèo kpaena,

²⁰ zaaε à wèndi zé dufu bōwe a mè gāzī à gēwao lábure kpεε.

²¹ Lán wá sa'ori ìsi vī nà Luda uakūri ũ,

²² wà sō Ludazi kōn nòseo do kōn à náanekena seka saio kōn swè kè wà pìpi wà taari laasuu bō à guuo kōn mè kè wà à zú ò kōn í wásawasao.

23 Wàgõ tãmaa kè wa zεo kũna gíngin, zaake Luda à lé gbè, bensõ à náane vĩ.

24 Wà làakari dokõa, wà té ká kõn yenzi kõn maakenaoyã musu.

25 Wàton pã kpá wa kakõanazi lán gbèkeno è ke nàro. Wà lé dakõa, atẽnsa lán á è Dii sugurõ e kaa kĩi nà.

26 Tó wa yãpuraa mà wá dõ, tó wá kpé wée durun kee gĩanzi, sa'ona kè eé durun kèwa kuu dõro.

27 Pó kè gõwee bé à de wàgõ wée dõ yãkpaezi ù kõn swèkẽnguo kõn té gbãaa kè eé Luda ibeeno kaateo.

28 Wè gbè kè gi Musa doka dazi de à wée gwana sai gõon plaa ke aagõ sèedakena musu.

29 Tó gbè kèse pèe Luda Néa, ben à kya kà Luda bà kuunaño aru kè à gbãsi bõagun, ben à Nini Gbèkekenneri sõsõ, àgõ dõ kè à wéetãmma égõ bíta de beeela maamaa.

30 Zaake wá yã kèkii òri dõ à bè, ámbé é gèe bońma, ámbé é fĩa bońne. Wà bè dõ, Dii é yãkpaε ke kõn a gbẽno.

31 Yã pãsimε, tó n lεe n da Luda Wèndide õzĩ.

32 À laasuu lé a kuuna yãaa. A wéekẽna gbera a nawẽa fĩ a õsi bíta kana guu.

33 Zĩkenõa wè a sõsõ, wè wée tãawa parii guu. Zĩkenõa è zε kõn gbè kè wèe wée tãarĩma lán beee bànõo.

34 A pisinano wẽnda dõ. Kè wà a póno siawa, a wezi kõn ponnaao, zaake á dõ kè a auziki maaa kè eégõ kuu ai gurõ píngi vĩ.

35 Beee yãnzĩ àton tó a wórõngõ kè àre vĩare bíta kèawaro.

36 Séde àgõ mena vī, le à pò kè Luda à lé gbè e à poyezi kena gbera.

37 Zaaε à gḡ fétemε, eé gí kero, kè gbē kè èe mɔɔ é pita.

38 Gbē maaa égõ kuu ma náane kè èe keε yānzi, mɔde tó à sòkpa kpeε, ma pɔɔ égõ nnaro.

39 Gbē kè aḡè bɔru kpeε aḡ n̄ zīnda kaatenɔn wa ũro. Gbē kè aḡ Luda náane kè aḡ m̄sina ènɔn wa ũ.

11

Gbē káakunɔ ludanaanekena

1 Ludanaanekenan t̄maadɔnaa seka sai ũ, yā kè wè wée siàlero sina yāpuraa ũ.

2 Gbē káakunɔ ludanaanekena bé à tò Luda n̄ sáabu kpà.

3 Wa ludanaanekena bé à tò wá d̄s kè à yā'ona bé à anduna kàe. Pó kè wè wée siàleeron à pò kè wè wée siàle kèo.

4 Abila ludanaanekena bé à tò à sa'ona Ludaa maaa dè Kaini p̄óla. À ludanaanekena yānzin Luda à sáabu kpàzi, à à diε gbē maaa ũ, ben à à gbaa sì. Baa kè à gà, wá kpé wée à yā maa Luda náane kè à kè pì yānzi.

5 Enɔku ludanaanekena bé à tò Luda à sè, le àton garo yānzi. Wèe à e d̄ro, kè Luda à sè b̄na anduna guu yānzi. Ai Luda ḡó gá à sé, à à sáabu kpà, à bè à yā kàare.

6 Gbēke yā è ká Ludane à náane kèna sairo. Séde gbē kè èe s̄ɔzi sí kè à kuu bens̄ è fīa bo a kii weterinɔε.

7 Kè Luda lé dà Nuua yā kè wèe e yāroo musu, ben à Luda náane kè, à à yā mà, à góro'ite kè, à a uadeenɔ

mì sio. À ludanaanekena bé à tò yā vèe andunaa, bensõ Ludaa tò yā b̀ò nna a náane k̀è à k̀è pì yānzi.

⁸ K̀è Luda Ibraĩ sisi le à gá b̀usu k̀è é kpáa àgõ v̄i guu, ben Ibraĩ Luda náane k̀è, à Luda yā pì mà. À b̀ò b̀e, baa k̀è à guu k̀è èe gaan pì d̄oro.

⁹ À Luda náane k̀è, ben à b̀ee p̀èe bisakutaa ũ b̀usu k̀è Luda à lé gb̀ene pì guu nib̀o ũ. Leme d̀o Isaaku k̄n Yakubuo, zaake Luda légb̀ena pì g̀ò n̄ p̀o ũme.

¹⁰ Zaake wéte k̀è Ludaa k̀ae à b̀ò à k̀asapeenan Ibraĩ wéee d̀zi.

¹¹ Sara ludanaanekena bé à tò à zé è à ǹò s̄i, baa k̀è p̀aaame, bensõ à zi k̀ù, zaake à d̄s̄ k̀è Luda k̀è lé gb̀eare náane v̄i.

¹² Baa k̀è à zi k̀ù, g̀sgb̀e m̀en doo pì borii k̀è pari lán s̄os̄onen̄o ke ísiale b̀usu'aat̄e bà, weé f̄o wà à lé d̄oro.

¹³ Gb̀e p̀ino g̀aga n̄ píngi n̄ ludanaanekena guu, p̀o k̀è à à lé gb̀én̄nen̄o ena sai. Aõ è k̀aaa wà gb̀aake kp̀azi. Aõ bè, nib̀o k̄n b̀am̄on̄on̄ n̄ ũ anduna guu k̀è.

¹⁴ Gb̀e k̀è aõ è o leen̄o e odoawe k̀è wèe n̄ z̄inda b̀usu nii d̄eme.

¹⁵ Tó b̀usu k̀è aõ b̀on b̄egen aõe kee yā, le aõ zé è aõ èara wà tà gwe.

¹⁶ M̀ode b̀usu k̀è maa d̄e beelaan aõe à nii d̄e, àmbe ludambe p̀o ũ. Beee yānzi tó wà Luda sisi n̄ Luda ũ, è k̄ene w̄iyā ũro, zaake à w̄etedaa k̀ae n̄ p̀o ũ.

¹⁷⁻¹⁸ K̀è Luda Ibraĩ ỳò à gwà, ben Ibraĩ Luda náane k̀è, à Isaaku kp̀a sa'opo ũ. Luda lé gb̀ene yā à bè, Isaaku boriin̄on weégae bene a boriino ũ. Baa k̄n beeeo à zè k̄n a né m̀en doo pì kpanao.

19 À sì kè Luda gbāaa é f̄s̄ à gèno f̄eε b̄ona gaan, ben à de lándõ wà be à èara à Isaaku è b̄ona gaan bà.

20 Isaaku Luda náane kè, ben à sa'ole kè Yakubu k̄on Isauone.

21 Kè Yakubu kú gaa lézĩ, ben à Luda náane kè, à sa'ole kè Yusufu n̄en̄one, ben à gbāa è a gòà à d̄onzi kè.

22 Kè Yusufu kà gana, ben à Luda náane kè, à Isarailino b̄ona Iyipiti yā ò k̄on lán āé ke k̄on à gèwao nà.

23 Musa de k̄on à dao Luda náane kè, ben ās̄ à ùte ai mo aaḡs̄ à ina gb̄era, kè ās̄ è à àisi maa yānzi. Ās̄e v̄ia ke doka kè Fili'auna dienero.

24 Kè Musa bíta kũ, ben à Luda náane kè, à ḡizi wà à sísi Fili'auna n̄en̄ogb̄é né ũ.

25 À sì wà w̄éε tāawa k̄on Luda gb̄eno de kuuna k̄on p̄onnaao durun guu gur̄o plaaala.

26 À diè kè wí kè wè dar̄ma Kirisi yānzi de Iyipiti auzikila, zaake ziaa zĩ láadan à w̄éε kúa.

27 À ludanaanek̄ena bé à tò à b̄ò Iyipiti, èe v̄ia ke Fili'auna p̄of̄en̄ero, à zè ḡinḡin lándõ à Luda kè wè e k̄on w̄éεoroò è bà.

28 À ludanaanek̄ena bé à tò à Banla zĩbaa diè k̄on aru mámana kp̄eεε ḡũao, le malaika gb̄ed̄ed̄eri tón ò ke ní daudun̄aro yānzi.

29 Isarailino Luda náane kè, ās̄ bikũ Isia T̄ēaaa lán t̄ōte kori bà. Kè Iyipitino ȳòà le, ben í dànl̄a.

30 Isarailino Luda náane kè, ās̄ t̄aa ò wà liga Yerikozi ai gur̄o sw̄eεplaa, ben à b̄i kwè.

31 Kaarua Rahabu Luda náane kè, à gu'asiigwarino diè à ní gwá maamaa, ben èe kaate k̄on ludayādarisain̄oro.

32 Mé be dia doo? Mé zé e mà Gidion yã oro ke Baraki ke Samusĩ ke Yefeta ke Dauda ke Samueli ke annabinoo.

33 Aõ Luda náane kè, ben aõ zì blè kínanoo, aõ yã gògò gbènonne a zéa, aõ lé kè Ludaa gbènnne gbè è, aõ músunoo lé nàkõa,

34 aõ té pāsĩ dè, aõ bò fèedaa lézĩ, aõ gbāaa è n gbāasaikεε guu, aõ pāsĩ kù zì guu, aõ pè bori pānde zìkpεεnna,

35 aõ nɔgbèno né gèno fεε bɔna gaan aõ kpàmma. Wà mè ò n gbèkenoo, ben aõ gizi wà n gbarε, le wà fεε bɔna gaan wà bɔ maa yānzi.

36 Wà n gbèkenoo fabò, wà n gbè kɔn flào. Wà mò kà n gbèkenoo, wà n ká kpésiaan.

37 Wà n pápa gbèoo wà n déde, wà n zòkòre plaa kɔn sagasigio, wà n déde kɔn fèedaaoo. Aõ táa ò sã báa kɔn blè báao dana. Aõ gò kori, wà wée tàmma, wà ãa dàmma.

38 Anduna kuuna e kò sínyoro. Aõ likõaa zò sèn kɔn kpìii musunoo, aõ kú gbèwεεnno kɔn kokotèwεεnno guu.

39 Baa kè Luda gbè pìno sáabu kpà n píngi a náane kè aõ kè yānzi, aõ pò kè à à lé gbènnne ero,

40 Luda gĩake à diè, wà gwena maaa e de n pólaa, le aõ tongò papana wa sairo.

12

Luda a gbèno totona

¹ Beee yānzi wapino se, lán sèedadeenoo diwazi nà le, wà o kpá pò kè è kpáweenzi kɔn durun kè è wa kakūn aagao píngi, wà bàkpakòsõna kè Ludaa dièwe lé kɔn menao.

² Wà wée pé Yesua kè bò kōn wa ludanaanekena zéo bensō à zé pì kè papana. À gana lía fṛ, èe à wíyā daro pōnnaa kè dienanε ena yānzi, ben à gāa à vḗε Luda kíblekita oplazi.

³ À laasuu lé à yāa, lán à mεna fṛ kōn durunkeri kè aṣ íβεε beee taka kpàonṵo, le àton kpasa a kā garo yānzi.

⁴ Zaake a osikana kōn durun-o guu, ée ze a gi ai a gaa a gaoro.

⁵ Nṵseyĩkūyā kè wà òare lán nḗnṵo bà sàagun yó? Wà bè:

Ma né, tó Dii e n totoo, nton diε pāro.

Tó à kpākēnzi, nton tó n kā garo.

⁶ Zaake gbḗ kè Dii yezin è toto, è wée tā gbḗ kè à sì a né ũua.

⁷ À wéetāmma diε totona ũ. Luda bé èe beee keare, kè à nḗnṵn a ũ yānzi. Né kee kuu kè à de gí à à totozís?

⁸ Tó èe a toto lán a né kpaanṵo bàro, ēndḗ à nḗnṵn a ũro, gitasṵṵnḗnṵn a ũ.

⁹ Wá denṵo vī anduna kè aṣ wa toto, ben wa ní yā mà. Lán à de le nà, wà mì siε wa ninii Denε de beela wàgṵ kuu.

¹⁰ Wa denṵo wa toto gurṵplaapṵo ũ aṣ ṵndṵ lén. Luda è wa toto wa kaarana yānzimε, le wa kuuna e àgṵ adona lán à bà.

¹¹ Totonaa kee pōnnaa vī a gurṵaṵro, sé pṵsiaa, mṵde gbḗ kè totona pì ní kékεnṵo è à gbḗ e zāa bṵna maa kōn aafiao ũ.

¹² Beee yānzi à a ṵṵ kè aṣ gṵ dṵazinṵo kōn a gbá kè aṣ gṵ teenṵo gba gbāaa,

13 à zé sé súusu, le amɔa kè ée t̄ɔt̄eɛnɔ tón k̄ɔ̄ k̄ūro, āɔ ḡɔ̄ k̄ɔ̄n aafiao.

14 À wete àḡɔ̄ nna k̄ɔ̄n baade p̄íngio, a kuuna ḡɔ̄ adona, zaake tó gb̄e kuuna adonaro, eé Dii ero.

15 À làakari ke, a gb̄eke tón kora Luda gb̄ekekenn̄enazi à ḡɔ̄ f̄índio'a ũ a té, à ãa da gb̄enɔa pari à n̄ yakaro.

16 A gb̄eke tónḡɔ̄ de p̄áp̄akeri ke ludaȳadarisai ũ lán Isau bàro. À a dauduk̄eze ya pó ḡèn do blena ȳánzi.

17 Á d̄ɔ̄ kè à sa'ole w̄ete a dea z̄aa, ben Luda ḡine. Baa kè à w̄ete k̄ɔ̄n w̄ée'io, èe zé e à ȳa kè à kè liero.

Luda bà kuunaño zi k̄ɔ̄n à dufuo

18 Èe ke Sinai kp̄iizi kè weé f̄ɔ̄ wà ɔ̄ kean a s̄ɔ̄ziro, kè èe té k̄ūu à gusiaa v̄i k̄ɔ̄n gu bùgubuguo k̄ɔ̄n z̄aga'iao

19 k̄ɔ̄n k̄ák̄aki'ɔ̄ k̄ɔ̄n Luda k̄òto gb̄aaao. Kè Isarailinɔ k̄òto p̄i mà, āɔ agbaa kp̄àn̄e wà bè àton ȳake oñ̄e d̄ɔ̄ro,

20 zaake āsé ȳa kè à dīéñ̄e k̄èk̄ii f̄ɔ̄ro à bè: Baa p̄ók̄adee bé à nà kp̄iizi p̄ia, wà pápa gb̄eo wà de.

21 Luda pitana p̄i né v̄ia ȳam̄e maamaa ai Musa bè, v̄ia a k̄ū, ée lugalugaa.

22 M̄ode a s̄ɔ̄ Zaȳon kp̄iizi k̄ɔ̄n Luda W̄èndide w̄ete Yerusalemu kè kú musuo k̄ɔ̄n à malaika pariparii kè āɔ kak̄ɔ̄ana gweenɔ̄

23 k̄ɔ̄n daudu kè āɔ tó k̄ēna gweenɔ̄ kak̄ɔ̄anao k̄ɔ̄n Luda kè de gb̄e s̄ānda p̄íngi ȳákp̄aek̄eri ũuo k̄ɔ̄n ḡèw̄āa gb̄e maa kè āɔ ḡɔ̄ papananɔ

24 k̄ɔ̄n Yesu kè de Luda bà kuunaño dufu ȳákek̄eri ũuo k̄ɔ̄n à aru f̄áf̄ana kè èe ȳa maa oo de Abila p̄ól̄aao.

25 À làakari ke àton gí yā'ori pì yā maziro. Lán gbě kè aǎ gí Luda lédamma mazi tǔtǔ kènǔ e bǔro nà, wapinǔ se, lán Luda e lé daawa zaa musu, tó wa kpεε līne, weé wa pǔ o dǔó?

26 À kòto tǔtǔ lùgaluga yā, ben à lé gbě à bè, é guu lugaluga gèn do dǔ, èe ke tǔtǔ adonlo, kǔn musuomε sa.

27 Kè à bè, gèn do dǔ, beee e beewe Luda pǔkena kè eé lugalugaa pinǔ é gē zélame, le pǔ kè è luga-roonǔ e àgǔ kuu.

28 Beee yānzi lán wée kpata kè è nigāroo blee nà, wà Luda sáabu kpá, wàgǔ dǔnzi keεε lán à yezi nà, wàgǔ mì siεεε vīakenanε guu.

29 Zaa ke wa Luda né té kè è kǔm̄mame.

13

Lédamma

1 À wée tā àgǔ gběkeε vī kǔo.

2 À làakari dǔ nibǔyaarikεnaa, zaa ke len gběkenǔ malaikanǔ yàari kè dǔna sai le.

3 À tó gbě kè wà ní ká kpésiaa guunǔ yā dǔagu lán á kún̄yo kpésiaan bà, kǔn gbě kè wèe wée tǔam̄manǔ, lán ámbe wèe wée tǔaawa bà.

4 Baade gae nǔsena da yā bèεdee ũ. Aǔton ní daekii gbāsī kpáro, zaa ke Luda é yākpae ke kǔn zinakerinǔ kǔn pǔpǔakerinǔo.

5 Yena ǔzi tón dǔare aεro. À ze kǔn pǔ kè á vīio, zaa ke Luda bè:

Mé n tónlo,
mé pǔ kpanzi zikiro.

6 Beee yānzi weé kùgbāaa ke wà be:
Diin ma dǔnleri ũ,
vīa é ma kǔro.

Bón gbēntee é f̄s̄ à kemεε?

Sa yāpura ona

⁷ À tó a d̄on'aēdee kè ās̄ Luda yā òareen̄o yā d̄oagu. À n̄ kuuna tàasi ke ai à léa à Luda náane ke lán n̄ bà.

⁸ Yesu Kirisi d̄on̄k̄ō ḡiā k̄ōn gb̄āao ai gur̄o píngi.

⁹ Àton tó wà a s̄ās̄ā k̄ōn yā nib̄o pari dannenan̄oro. À maa wa sw̄ègb̄āaa e Luda gb̄ēkeε guu, èe ke sa'op̄oble yā kè è àre ke ke gb̄ē kè ās̄ z̄èon̄neronlo.

¹⁰ Bisakuta sa'orin̄o zé v̄i wà sa'okii kè wá v̄i p̄óblee blero.

¹¹ Sa'oriki è ḡē Ludakukiin k̄ōn tub̄o aruo durun̄o k̄enn̄ena yānzi, ben wè à gè kpata bùra kpεε.

¹² Beee yānzi Yesu gà wéte kpεε se, à gb̄ās̄i b̄ò gb̄ēn̄on k̄ōn a z̄inda aruo.

¹³ Wà b̄o wà gá à kiia bùra kpεε, wí wa k̄ūo se.

¹⁴ Zaake wá wéte kè eéḡō kuu v̄i k̄èro, wéte kè èe m̄ōn wa wéε d̄ōzi.

¹⁵ Beee yānzi wàḡō Luda sáabu kpá yāana sai Yesu gāz̄i wa sa'ona ũ. Gbaa kè à s̄isirin̄o è m̄ōn gwe.

¹⁶ À làakari d̄o maak̄ena k̄ōn k̄ōgb̄ēkenaoa. Sa beee taka ona bé è ká Ludan̄e.

¹⁷ À a d̄on'aēdeen̄o yā ma à mì siéñ̄e, le ās̄ e wà z̄i ke k̄ōn p̄onnaao, zaake ās̄o de gb̄ē kè āsé n̄ z̄i yā t̄s̄k̄ē Ludan̄en̄o ũ. Tó ās̄o z̄i keε k̄ōn lésuuo, eé àre kearero.

Lézammana

¹⁸ À adua kewe. Yákee e wa sw̄è v̄īro, weèḡō yezi wàḡō kú wa d̄òr̄o yā píngi guu.

¹⁹ Má wéε keawa à adua kemε, atēnsa mà e mà mó a kiia kpakpaa.

20 Luda Aafiade kè wa Dii Yesu fèe bɔna gaan sādārīki ũ a bà kuunawao gurɔ píngi aru gāzĩ,

21 à a kεkε kɔn maa píngio, le à à pɔyezi ke à yā kè kàne ke wa guu Yesu Kirisi gāzĩ. Àmbe à gakui vĩ gurɔ píngi, aami.

22 Ma gbẽno, ma wée kèawa àgɔ lédamma yā pì kũna kɔn menao, zaake takada kè má kèaree bítarɔ.

23 Àgɔ dɔ kè wà wa gbẽndo Timoti gbàre. Tó à kà kè tia, wé mó a gwa lɛdo.

24 À ì kpá a don'aedeenɔa n píngi kɔn Luda gbẽno píngi. Itali búsudeenɔ ì kpàawa.

25 Luda gbẽkεε keare a píngi.

Luda yá takada kǝn Bokobaru yǎo
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 18 Apr 2025 from source files dated 31 Aug 2023

c31548a1-5316-53c2-be42-674e0e4c5ae5